

օրեայ թուլացուցումն յապաշխարանաց եղելոց ի վերայ նոցա, և կամ յինչ և իցէ պարտուց յապաշխարութեան կարգի:

Եւ զայսոսիկ ներողութիւնս, զթողութիւն մեղաց, և զթողացուցումն ապաշխարանաց մարթ է ըստ շնորհելոյ մերոյ՝ ի կարգի օժանդակութեան մերձեցուցանել նաև ի քրիստոս հաւատացեալ հոգւոց՝ որք սիրով միացեալք ընդ աստուծոյ, փոխեցան յաստեացս:

Այս ամենայն նախաճառեալք յառաջիկայս մեր կոնդակ լիցին ընդունելի և վաւեր ընդ համօրէն ժամանակս առ յապայս:

Բայց կամիմք, զի եթէ այլ ինչ ներողութիւնք մշտնջենաւոր կամ առժամանակեայ՝ որոց չիցէ անցեալ ժամանակ, շնորհեալ իցեն նախայիշատակեալ եղբարց կամ քերց՝ որ նախագրեալսն առ ի մէնջ ի գործս վարեն, արդի աւանդեալքս յոչինչ համարեսցին: Իսկ եթէ նոյն եղբայրութիւնն կանխաւ պատուատեալ իցէ յայլ աւագ եղբայրութիւն, կամ յետ այսորիկ կամիցի պատուատիլ, և կամ որով և իցէ այլով պատճառաւ միացի, կամ որպէս և զիայրդ և է օրինակաւ կացուցի, նախագիծս՝ և որ և է առաքելական կոնդակք ոչ իւրիք բնաւ նպատեսցեն նոցա, այլ յայնմհետէ նովին իսկ գործով յոչինչ գրեսցին:

Տուաւ ի Հոռով ի Սուրբն Մարիամ՝ Աւագ անուանեալն ընդ կնքով ձկնորսի, յամի տեառն 1766 ի 24 մարտի յամին ութերորդի քահանայապետութեանս մերոյ

Կարտինալ Անտոնելլի

Տեղի ✠ Կնքոյ

Վկայեմ և ես քարտուղարս ստորագրեալ, զի բառ առ բառ ընդօրինակեալ է իմ զայս կոնդակ, որպէս և գտաւ արձանագրեալ ի սմին արքեպիսկոպոսական և վիքարական դիւանի յիններորդ գիրս, յութերորդ թղթահամարի. և է այս անկեղծ օրինակ՝ յորոյ ի հաստատութիւն

Յովհաննէս Քօլլարօ Քահանայ՝ Քարտուղար  
Արքեպիսկոպոսական և վիքարական

Գրեցաւ ի Բերա այսինքն Պէկօղլու, կոստանդնուպօլսոյ  
1807 ի 4 Դեկտեմբերի



Այս կոնդակ խաչի եղբայրութեան թարգմանեցաւ ի լաւ տինէ ի հայ՝ ի խնդրոյ եղբարց ձեռամբ Հ. Ս. Սօմ. մինչ էր ի Պօլիս յամի տեառն 1809: